

Muki Bricht 2021 / 2022

Das Jahr turne 11 Kinder mit ihre Mamis / Papis zum Thema die vier Jahreszeiten.

Als Turnstundepresäntli gits das Jahr i jedere Mukistund es Kärtli mit passende Bildli druffe, am Schluss vom Mukijohr gits denn es Domino drus.



Am 22. Oktober simmer is Mukijohr gstartet. Mir händ nomol echli de Summer zruggholt und Schmäterling lo flüge, au am Meer simmer gsi und händ Muschle gsuecht, uf Palme klätteret, Böötligfahre und eus i de Hängematte usgruhet. Mir händ verschieden Summeraktivität unternoh, wie Chriesigünne, Velo fahre, Blueme pflücke und e Wasserschlacht het au id dörfe fehle.



Am 12. November isch denn de Herbst izoge und mir händ de Herbstwald gnosse, sind uf de Äst umme klätteret, über Baumstämme gloffe und händ de bunte Blätter zuegluegt. Au Tier händ mir im Wald entdeckt, Füchs, Igel, Reh und Eichhörnli. De Herbstmärt het natürlig au id dörfe fehle mit lustige Sache wie Kegle und Geisterbahn und zum Herbst ghört au feins Ässe, mit händ Öpfel pflückt und gmoschtet und Kürbis transportiert.

Und plötzlich hets guet afo schmöcke, mir sind i de Bachstube aho und händ Teig knätet, Guetzli bachet und dekoriert. Und i de letschte Turnstund am 17. Dezember hämmer schochli Wiehnachte gfieret. Händ Päckli ipackt, de Wiehnachtsbaum gschmückt, Liechterkettene ufghängt und zum Schluss händ Kind dörfe ihres Wiehnachtsgschänkli entgegeneh, es Znüniböxli.



Am 14. Januar 2022 gohts wieder witer mit de Mukiturnstunde, de Winter wird eus nochli begleite bevor mir denn i Frühelig wärde wächsle und witeri tolli Entdeckigstoure wärde mache. Mir freue eus uf die witere Mukistunde, uf Kind und ihri Mamis und alli andere Begleitpersone.

Mit ganz liebe Grüess fürs Mukiturne

Annika und Anita

